

مهما انكسرنا منبقي منتصرين ... كنا نقضي طول النهار في الملاجئ ما
نقدرش نتحرك من القذائف .. وناس كثير يموتوا على المي كل يوم ..

ولما كانوا يقولوا لنا راح يبجوا الفدائية تيفتحوا الطريق للزعر ، نمزك
ونكيف .. كثير نكيف . ومنتشجع بزيادة .. بس نرجع نلاقي انو ما صار
شي من هالحكي .. تضايق كثير .. ونقول ليش بعدهم ما فتحوا الطريق ؟
مش عارفين شو عم بصير فينا هون ؟ ..

« بس ما يفوتوا ويكسروا مغنوياتنا » :

« الحقيقة الانسان على كل شيء بيقدر يصمد .. يعني فواكه ما
نشوف .. خضرا ما نشوف ، خبز ما نشوف . ونقول : يا رب ما نكسر ، يا
رب ما يفوتوا علينا الكتائب والاحرار . ما بدناش ناكل ولا بدنا اشي .. الا
الشيء الضروري الضروري .. بس ما يفوتوا ويكسروا مغنوياتنا .. ولا
نشوف وجوههم الكالحة .. بدنا تضلم مغنوياتنا مرتفعة . الحمد لله في بعد
شباب مسلحين كثير ، وفي ميليشيا كثير ، واللي عمروا ما حمل سلاح
تدرب وحمل سلاح وعم يقاتل . ويرجع بقول : يا رب ، يا رب بس الله ينصرنا
.. وما يفوتوا على الزعر حتى ولو متنا كلنا . ما بدنا لا اكل ولا شرب ولا
اي شيء .. كانوا النسوان والبنات في اللجأ يحكو عن الطبخ والاكل ..
كنت اقولهن : والله العظيم انا ما بنفسي شيء .. لا اكل ولا شرب ولا
خضرة ولا طببخ ولا اي شيء .. بس ما نشوف وجوههم (اي الفاشيين) .
والحقيقة كل الناس بترجع ويتقول : احنا مستعدين نتحمل كل شيء .. بس
ما نشوف وجوههم ، يعني كل شيء بنصبر عليه .. بس ما يفوتوا علينا
ويكسروا مغنوياتنا . لحد اسا هم مقهورين منا كثير .. وبعدنا منتصرين
عليهم . امبارح في المستوصف قبل ما نجبي لهون مع بعثة الصليب الاحمر
سمعنا جماعتنا عم بقولوا بدنا نقصفهم في المدرسة (الكتائب والاحرار الذين
في مدرسة الراعي الصالح) في الساعة كذا وكذا .. شو انبسطنا ! منبسط
احنا كثير لما نسمع انو جماعتنا بدهم يقصفوهم .. هم جنبنا ، جنبنا كثير ،
بس لولا سوريا .. بالاول كانوا يعووا زي الكلاب .. كلهم هربوا من
كل المنطقة .. كنت تلاقي التلال .. القلعة ، المكس لحد المنصورية ..
كلها مع الفدائية .

وفي فدائية كانوا يقولوا لنا في جنود سورين عم يقاتلوا مع الكتائب . كنا
في الاول صامدين كثير كثير وبعدين ، بعدما دخلت سوريا ، بلشوا يحتلوا
شوي شوي .. احتلوا جسر الباشا والقلعة والمكس ووصلوا للمدرسة
(مدرسة الراعي الصالح) « فاطمة فرج سعيد ، حديث خاص .. »

مشاركة البنات والنساء :

« كانت البنات والنسوان تشارك في كل شيء .. ينقلوا جرحى ، يطبخوا
عدس ، يعبوا مي ، ويقاتلوا . في كثير بنات ونسوان كانوا يقاتلوا ، في واحدة
فدائية من عنا بقولوا لها « ابو علي » جابت اسرى من معمل الجرفي (البوظة)
في المكس . » (المصدر السابق)